

Dr. Mehmed Jahić, profesor emeritus, predsjednik Komisije
Univerzitet u Sarajevu, Ekonomski fakultet
Oblast: Računovodstvo i revizija

Dr. Haris Jahić, redovni profesor, član Komisije
Univerzitet u Sarajevu, Ekonomski fakultet
Oblast: Računovodstvo i revizija

Dr. Ševala Isaković-Kaplan, vanredni profesor, član Komisije
Univerzitet u Sarajevu, Ekonomski fakultet
Oblast: Računovodstvo i revizija

VIJEĆU EKONOMSKOG FAKULTETA UNIVERZITETA U SARAJEVU

Na osnovu člana 106. i 135. Zakona o visokom obrazovanju („Službene novine Kantona Sarajevo“, broj: 33/17, 35/20, 40/20 i 39/21), člana 104., 190. i 205. Statuta Univerziteta u Sarajevu, Odluke Senata Univerziteta u Sarajevu broj: 01-9-58/21 od 30.06.2021.godine, prijedloga Odluke Vijeća Ekonomskog fakulteta Univerziteta u Sarajevu od 15.06.2021.godine, Vijeće Ekonomskog fakulteta Univerziteta u Sarajevu na sjednici održanoj 15.03.2022.godine donijelo je Rješenje (Broj: 02-1251/2022 od 15.03.2022.godine) kojim je imenovana Komisija za pripremu prijedloga i izvještaja o izboru jednog saradnika u zvanju asistent, nepuno radno vrijeme, na oblast Računovodstvo i revizija, po raspisanom Konkursu koji je objavljen u dnevnom listu „Dnevni avaz“ i web-stranici Ekonomskog fakulteta i Univerziteta u Sarajevu, dana 17.01.2022.godine. Nakon prijema dopisa Službe za pravne i personalne poslove Ekonomskog fakulteta Univerziteta u Sarajevu kao i dokumentacije pristigle na objavljeni Konkurs, Vijeću Ekonomskog fakulteta Univerziteta u Sarajevu podnosimo sljedeći

IZVJEŠTAJ

Na objavljeni Konkurs prijavio se jedan kandidat: mr. Edis Boloban, prijava za izbor u zvanje asistent. Dokumentom „Dostava prijava na Konkurs“ br. 07-6-1321/22 od 15.03.2022.godine, Rukovodilac Službe za pravne i personalne poslove Ekonomskog fakulteta Univerziteta u Sarajevu dostavio nam je Potvrdu broj 07-6-526/22 od 04.02.2022.godine kojom stručna Služba za pravne i personalne poslove potvrđuje da je prijava sa priložima mr. Edisa Bolobana, na Konkurs objavljen dana 17.01.2022.godine u dnevnoj štampi Dnevni avaz i web-stranici Ekonomskog fakulteta i Univerziteta u Sarajevu, za izbor akademskog osoblja u naučnonastavno zvanje, oblast Računovodstvo i revizija, 1 saradnik u zvanju asistent, nepuno radno vrijeme, blagovremena i potpuna (uredna) sa uslovima utvrđenim Konkursom. Na osnovu gore navedenog, Komisija je razmatrala prijavu kandidata mr. Edisa Bolobana.

1. BIOGRAFSKI PODACI KANDIDATA

Edis Boloban rođen je 14. 06. 1993. godine u Konjicu, gdje je završio osnovnu školu 2008. godine. Srednju ekonomsku školu završio je u Konjicu 2012. godine, te potom upisuje I ciklus studija na Ekonomskom fakultetu Univerziteta u Sarajevu, smjer Računovodstvo i

revizija. Kandidat je zvanje Bachelor menadžmenta stekao 2015. godine, odbranivši diplomski rad na temu „Poreski tretman zaliha“. U toku I ciklusa studija kandidat je ostvario prosječnu ocjenu 8,60.

Svoje školovanje kandidat nastavlja na II ciklusu studija na Ekonomskom fakultetu Univerziteta u Sarajevu, smjer Računovodstvo i revizija. Položivši sve ispite na II ciklusu studija kandidat je ostvario prosječnu ocjenu 9,40. Završni rad na temu „Uloga kontrolinga u procesu donošenja poslovnih odluka“ kandidat je odbranio 10. 03. 2021. godine i stekao naučni stepen Magistar menadžmenta, smjer Računovodstvo i revizija. III ciklus studija na Ekonomskom fakultetu Univerziteta u Sarajevu, kandidat upisuje akademske 2021/2022. godine.

Već, tokom I ciklusa studija, kandidat je pokazao izuzetne rezultate, zbog čega je akademske 2014/2015.godine angažovan kao demonstrator na predmetima Katedre za računovodstvo i reviziju, a angažman demonstratora nastavio je i u toku II ciklusa studija. Kandidat se tokom svog školovanja isticao po ostvarenom uspjehu, za što je dobio priznanje: „Ponos generacije“ Prve osnovne škole Konjic. Na školskim takmičenjima iz matematike je u kontinuitetu tokom perioda 2005-2008. godina osvajao prvo mjesto, a na međunarodnom takmičenju iz Računovodstva – Mini računovodstvenoj olimpijadi u Banjoj Luci 2015. godine osvojio je drugo mjesto - ekipno.

Kandidat mr. Edis Boloban je trenutno zaposlen u AS Holding d.o.o. Tešanj na poziciji direktor Direkcije za računovodstvo. Prethodno radno iskustvo kandidat je sticao u kompanijama: Klas d.d. Sarajevo, na zadacima finansijskog knjigovođe, Klass-Con d.o.o. Sarajevo kao direktor Društva, te AS Holdingu d.o.o. na poziciji direktor Odjela za kontroling. Dodatno, kandidat obavlja funkciju predsjednika odbora za reviziju „Bosnalijek“ d.d. Sarajevo i člana odbora za reviziju „Svjetlostkomerc“ d.d. Sarajevo.

Kandidat aktivno koristi engleski jezik, te posjeduje vještine/sposobnosti upotrebe informacionih tehnologija: Programski paket - Microsoft Office, kao i računovodstvene programe (NAVision, Oracle, Pantheon, Skula). Kandidat je završio kurseve/stekao certifikate: Certificate of completion business English language course – specific programme business English general – level C1 (ALTE level 4), University of Sarajevo, School of Economics and Business, Business Academy, 2015., Certifikat Controller Akademie Munich „I-III modul CA kvalifikacijskog programa“, Zagreb 2018.; broj certifikata: CA13g1218008 i Certifikat CPE „Upravljanje radnim učinkom uposlenika“, Sarajevo 2019.; broj certifikata 9991/19. Kandidat posjeduje vozačku dozvolu za motorna vozila B kategorije.

2. NAUČNO-ISTRAŽIVAČKI RAD

Kandidat mr. Edis Boloban bavi se i teorijskim istraživanjima što ilustrujemo koautorskim doprinosom u izradi dva rada:

- Mahir Proho, **Edis Boloban**: „Razvoj Konceptualnog okvira za finansijsko izvještavanje“, Porezni savjetnik 1, 2018, Revicon, Sarajevo, ISSN 1512-519X.
- Haris dr Jahić, Lejla dr Demirović, **Edis Boloban** BSc: Računovodstveni tretman priznavanja i mjerenja rezervisanja za kreditne plasmane kod banaka, Pravo i finansije - Časopis za pravnu i ekonomsku teoriju i praksu, broj 12/I, decembar/prosinac 2017. godine, REC, Sarajevo, ISSN 2490-3590.

3. NASTAVNO – PEDAGOŠKI RAD

Kandidat mr. Edis Boloban je na Ekonomskom fakultetu Univerziteta u Sarajevu u nastavnom procesu angažovan od 2014.godine kao demonstrator na Katedri za računovodstvo i reviziju i izvodio je demonstratorske vježbe iz predmeta: Računovodstvo i Finansijsko računovodstvo. Kandidat je svojim angažmanom na navedenim predmetima pokazao izuzetno visok nivo posvećenosti i uspjeha.

4. PRIJEDLOG S OBRAZLOŽENJEM

Uvidom u dokumentaciju koju je kandidat mr. Edis Boloban dostavio uz prijavu na Konkurs, Komisija konstatuje:

- Kandidat je uz prijavu priložio sve potrebne dokumente za izbor u zvanje asistenta u skladu sa uslovima utvrđenim Konkursom od 17.01.2022.godine.
- Kandidat ispunjava sve uslove za izbor saradnika u zvanje asistent na oblast „Računovodstvo i revizija“.

Pored prethodno navedenih formalnih uslova ispunjavanja Konkursa članovi Komisije posebno ističu da kandidat mr. Edis Boloban ima višegodišnje iskustvo kao demonstrator na Katedri za računovodstvo i reviziju. Dodatno, kandidat u svojim radovima obrađuje relevantnu problematiku iz oblasti „Računovodstvo i revizija“, doprinoseći razvoju računovodstvene nauke i profesije.

Na osnovu svega navedenog Komisija konstatuje i jedinstvena je u mišljenju da kandidat mr. Edis Boloban ispunjava sve uslove predviđene Zakonom o visokom obrazovanju Kantona Sarajevo i Statutom Univerziteta u Sarajevu za izbor u zvanje asistent na oblast „Računovodstvo i revizija“. Stoga, Komisija, sa zadovoljstvom, predlaže Vijeću Ekonomskog fakulteta Univerziteta u Sarajevu da kandidata


Mr. BOLOBAN EDISA

izabere u zvanje ASISTENT, na oblast RAČUNOVODSTVO I REVIZIJA, nepuno radno vrijeme.


Sarajevo, 23.03.2022.godine

Komisija:

1. Prof. dr. Mehmed Jahić, profesor emeritus, predsjednik



2. Prof. dr. Haris Jahić, član



3. Prof. dr. Ševala Isaković-Kaplan, član